

G J A L D S K R Á

fyrir Rafveitu Akureyrar.

I. RAFORKA

Rafveita Akureyrar selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 3.58 hverja kwst.
2. Um kwst.mæli á 0.90 hverja kwst. auk fastagjalds, er nemi kr. 452.00 á ári fyrir allt að 25 m² gólflöt af rúmi því, er lýsa skal og kr. 14.00 fyrir hvern ferm. umfram 25 m². Fullt flatarmál skal greiða af gólfleti í búðum, vinnustofum og skrifstofum, en fyrir geymslur og ganga skal deila í fermetragjaldið með 3.5. Þennan gjaldskrárlið má nota fyrir kælikápa í verzlunum.

B. Almenn heimilisnotkun.

1. Um tvo kwst.mæla, annan til ljósa, hinn til suðu og hitunar. Á ljósmælinn reiknast ljósagjald kr. 3.58 á kwst., en á hinn mælinn kr. 0.90 á kwst.
2. Um einn kwst.mæli fyrir alla notkun á heimilinu á kr. 0.65 hverja kwst. Auk þess greiðist fastagjald kr. 0.65 á mánuði af hverjum fermetra gólfflatar íbúðarherbergja.

Við útreikning á gólfleti skal telja öll herbergi, sem eru ætluð til íbúðar og eldhús, en ekki ganga, baðherbergi eða geymslur. Tekið skal tillit til, ef um súðarherbergi eða þvilíkt er að ræða.

C. Vélnotkun.

1. Um kwst.mæli á kr. 1.60 hverja kwst., þó skal minnsta árgjald vera kr. 270.00 á hvert kw. í málaun vélanna.
2. Um mestastraumsmæli, ef um meira en 5 kw. er að ræða og notkunartími er meira en 500 klst. á ári, þannig:

Kr. 490.00 fyrir fyrstu 50 kw.

Kr. 405.00 fyrir næstu 50 kw.

Kr. 325.00 fyrir umfram 100 kw.

Auk þess skal greiða kr. 0.26 fyrir fyrstu 200000 kwst. og kr. 0.19 á kwst. fyrir umfram notkun.

3. Ef um meira en 5 kw. er að ræða og ársnotkunin er meiri en 500 klst. á ári, um kwst.mæli, þannig:

Fyrstu 50000 kwst. ársnotkun kr. 1.00 á kwst.

Notkun umfram það kr. 0.77 á kwst.

Selja má eftir þessum gjaldskrárlið rafmagn til súgþurrkunar fyrir sama verð á kwst. og umframnotkunin.

D. Hitun.

1. Um kwst.mæli á 28 aura kwst., enda megi þá rjúfa strauminn með klukkurofa í 3 klst. á dag á tímum mesta álags rafveitunnar, en þó ekki lengur en 1½ klst. í senn.
2. Um tvígjaldsmæli á kr. 0.18 á kwst. frá kl. 23 til kl. 8 og kr. 0.36 frá kl. 8 til kl. 23.

3. Um kwst.mæli á kr. 0.14 á hverja kwst., ef straumurinn er rofinn frá kl. 8 til kl. 23.
4. Til hitunar í iðnaði.
 - a) Á kr. 0.38 hverja kwst., enda sé þá minnsta notkun 10000 kwst. á ári.
 - b) Um tvígjaldsmæli á kr. 0.22 hverja kwst. frá kl. 23 til 8 og kr. 0.48 frá kl. 8 til kl. 23.

Skilyrði fyrir raforkusölu til hitunar:

- a) Að vélafl, götulínur og spennar þoli álagið að dómi rafveitustjóra.
- b) Að notandi kosti tengingu klukkurofa fyrir hitalögnina og greiði leigu fyrir hann samkvæmt reglum, er gilda um leigu mæla.
- c) Að hitalagnir, þar með talin öll tæki, séu gerðar samkvæmt fyrirællum rafveitunnar, ofnar fasttengindir og hitastillar notaðir.

E. Önnur raforkunotkun.

1. Raforkustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra, hvenær sem þarf, að dómi rafveitustjóra.
2. Þegar sérstaklega stendur á, má rafveitustjórn, í samráði við rafveitustjóra, selja raforku eftir sérstökum samningi í hvert skipti.
3. Gjald fyrir götu- og hafnarlýsingu ákveður bæjarstjórn eftir tillögu rafveitustjórnar.
4. Notendur með sértaxta.

Sértaxtar hækka hlutfallslega eins og þeir taxtar, sem þeir byggjast á.

II. MÆLALÆIGUR

Rafveitustjóri ákveður stærð og gerð mælitækja fyrir veitu hverri og er ákvörðun skuldbindandi fyrir notendann, sem skal greiða ársleigu af mælitækjum, samkvæmt eftirfarandi skrá:

Tegund mælitækja	Upp að 30 A.	35—75 A.	100 A.	Yfir 100 A.
Einfasa kwst.mælar	kr. 46.20	kr. 53.40		
Þrífasa kwst.mælar	— 75.20	— 103.80	kr. 149.60	kr. 224.00
Tvígjaldsmælar og mesta- straumsmælar	— 108.00	— 144.00	— 240.00	— 360.00
Klukkurofar	— 216.00			

Af öðrum tækjum en þeim, sem nefnd eru í skránni, skal leiga vera að minnsta kosti 15% af verði mælataekjanna.

III. OPNUNARGJALD

1. Hafi gjald fyrir raforku eigi verið greitt, svo að til lokunar hafi komið fyrir veitu, skal taka gjald fyrir enduroppnun veitunnar kr. 25.00.
2. Ef fundin eru óleyfileg vör við skoðun, eða of stór, skal loka veitunni tafarlaust og verður hún ekki enduroppnuð fyrir en notandinn hefur greitt kr. 25.00 á skrifstofu rafveitunnar.
3. Fyrir skoðun á raflögn við úttekt skal greiða tengingargjald, sem reiknast þannig:
 - a) Nýjar veitur, fast gjald kr. 12.00, auk þess á hverja grein kr. 4.00.
 - b) Breyttar veitur, fast gjald kr. 8.00, auk þess á nýja grein kr. 4.00.
 Fyrir endurskoðun skal greiða tvöfalt gjald.

IV. HEIMTAUGARGJALD

Heimtaugargjald skal miða við flutningsgetu heimtauganna samkvæmt töflunni, sem hér fer á eftir. Fari lengd jarðstrengsheimtaugar fram úr 15 metrum eða loftlínu fram úr 30 metrum, skal húseigandi greiða yfirlengdargjald eins og taflan sýnir. Þetta gildir eingöngu fyrir byggingar utan skipulagðra byggingasvæða.

Liður	Málstraumur Amp.	Jarðstrengur		Loftlína	
		lágmark kr.	yfirlengd kr. á m.	lágmark kr.	yfirlengd kr. á stólpa
1.	25 1-fasa			1200.00	1600.00
2.	60 3-fasa			2400.00	2800.00
3.	60 3-fasa	3800.00	220.00		
4.	100 3-fasa	4900.00	250.00		
5.	200 3-fasa	9900.00	410.00		
6.	350 3-fasa	17400.00	560.00		

Lengd jarðstrengsheimtaugar reiknast frá lóðarmörkum við götu, styztu greiðfæra leið til varkassa. Lengd loftlínuheimtaugar reiknast frá næsta stólpa í notendalínu við götu, styztu greiðfæra leið að varkassa.

V. ÝMIS ÁKVÆÐI

Söluskattur, samkv. lögum nr. 10/1960 um söluskatt, er talinn með í upphæð gjalda þeirra, sem um ræðir í gjaldskrá þessari.

Gjaldskrá þessi staðfestist hér með samkvæmt vatnalögum nr. 15 20. júní 1923 og raforkulögum nr. 12 2. apríl 1946, til þess að ganga í gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Akureyrar, nr. 77 4. maí 1955.

Atvinnumálaráðuneytið, 21. febrúar 1962.

Gunnar Thoroddsen.

Þorv. K. Þorsteinsson.

26. febrúar.

Nr. 16.

Staðfesting forsetans á skipulagsskrá fyrir Minningarsjóð Jófríðar Andrésdóttur og Guðbjargar Gísladóttur, Gerði, Hvammssveit, útgefin á venjulegan hátt ad mandatun af dómsmálaráðherra 26. febr. 1962.

Skipulagsskráin er þannig:

SKIPULAGSSKRÁ

fyrir Minningarsjóð Jófríðar Andrésdóttur og Guðbjargar Gísladóttur, Gerði, Hvammssveit.

1. gr.

Sjóðurinn er stofnaður 29. janúar 1962 af Einari Eyjólfssyni, bónda í Gerði, til minningar um fyrri konu hans, Jófríði Andrésdóttur, og móður hans, Guðbjörgu Gísladóttur.